



სალიტერატურო და სამეცნიერო ნახატებიანი გაზეთი გამომდის ყოველ კვირა დღეს

№ 30

ი ვ ლ ი ს ი 14 1896 წ.

№ 30

შინაძის: სხვა-და-სხვა ამბავი.— ემილია ეპისკოპოსის ვაჟისა ქვათათის ა. ხახანაშვილისა.— საყურადღებო ამბავი.—
 —ობოლი, ლექსი რუს-იმერელისა.— დელფინი (ზღვის ღორი) და მისი სტუმარი.— შენიშვნები ფ. მახარაძისა.— სახუმარო გა-
 სართობი (საზაფხულო სიზმრები.), არიმზისა.— განცხადება.—

სხვა-და-სხვა ამბავი.



თ იელის ქალაქის საეათმყოფოს დარბაზში მომხდარმა სანიტარულ-სამკურნალო საბჭოს სხდომამ შემდეგი განკარგულებანი დააღინა:

1) რადგანაც შავი ლუდის გაშინჯვამ, რომელზეც კეთდება გუტბროტის ქარხანაში, არა ერთხელ დაგვიმტკიცა, რომ ის (შავი ლუდი) მიენებელია სიმთელისათვის, ამიტომ დროებით სულ აღიკრძალოს მისი გაყიდვა, სანამ კარგათ გამოიკვლევედეს ამ საგანს საბჭოს ექიმების კომისია.

2) გაიგზავნოს გასაშინჯათ ქიმიურ ლაბორატორიაში ესრეთ წოდებული სპარსული ლიმონადი.

3) საბჭოს ექიმს ბ. კასუმოვს მიენდოს სხვა-და-სხვა გვარი კვასის საკეთებელ ავღიღების შეტყობა და გაშინჯვა სანიტარულ-სამკურნალო ინსპექტორის და ქალაქის ქიმიკოსის თანადასწრებით; აგრეთვე გამოაკლევას, თუ რა მასალებიდან კეთდება სხვა-და-სხვა გვარი კვასი და ამის შესახებ თავის დასკვნის წარდგენა სამკურნალო საბჭოში.

4) დამკვანარი, გაყვითლებული კიტრების, რომ-

ლებიც გამოტანილია ბაზარში გასაყიდათ, გადაყრა და საზოგადოთ ყველა ხილველობის გამოყიდველთ ასევე უნდა მოექცენ.

5) სხვა ქვეყნებიდან მოტანილ ლუდის გაშინჯვა:

6) რადგანაც ამ ბოლო დროს ქალაქში გამრავლდა მუცლის ავთმყოფობა, ამიტომ მეტი ყურადღება მიექცეს საქმელ-სასმელს; ბაზარი დათვალდებონ ხალხმე საღამოობითაც.

7) წინადადება მიეცეთ საბჭოს ექიმთ, რათა აცნობონ, თუ რომელი ალაგი ან ქუჩა უფრო უწყინდური და უსუფთავოა.

8) წინადადება მიეცეს საბჭოს ექიმს ბ. თარხანოვს წარადგინოს სამკურნალო საბჭოში თავის მოსაზრებანი იმ ზომების შესახებ, რომლებიც საჭირონი იქნებიან რიყის სახლ-ვზომების და სხვა-და-სხვა გვარ შენობების ისე შესაკეთებლათ, რომ ხალხის სიმთელეს იმათ არა ავნონ რა.

* *

მუშტაიდის ბაღში დიდ ძალ ხალხს იზიდავს ბევრების ორკესტრი, მეტადრე იმიტომ, რომ ყმაწვი-

ლები გურული ტანისამოსით არიან ჩაცმულნი, თუშ-
ცა მათგანი მხოლოდ ორიოდ არის გურული. ყო-
ველ საღამოს 5 — 6 საათის განმელობაში დაკრა
ბავშვების, ფიზიკური მხრით, მეტათ საგრძნობელია
და ამისათვის სასურველია, რომ ყურადღება მიექცეს
და ბავშვები შეგასვენონ ხოლმე.

* *

კავკასიის საფილოქსერო კომიტეტის წინადადებ-
ით მიწათ-მოქმედების მინისტრს ნება დაურთავს
შემწევობათ მიეცეს 1020 მ. ფილოქსერის გამო დაზა-
რალბულ გორის მაზრის უღარიბეს მცხოვრებთ.

* *

მოგვივიდა პატარა წიგნაკი (სახალხო ბიბლიო-
თეკა № 1) ეკითხული სანთელი (პროზა) თხ. ჩენი
პოეტის აკაცისა.

წიგნი სუფთათ არის გამოცემული, შეიცავს 32
გვერდს და ღირს ორი შაური.

* *

სურამ-ცხინვალის საფილოქსერო დას იელისში
ფილოქსერა აღმოუჩენია ყორნისის ხეობაში, ცხინვა-
ლის ახლოს, სოფ. წუნარში. იმავე დასს სურამის
ახლოსაც ამოუჩენია ფილოქსერა აკოფოვის ვენახში
(კავკ. სამეურნ. გაზ.).

* *

როგორც გავიგეთ, თბილისის ღრამატიულ სა-
ზოგადოებას სურს ქუთაისში კომისია ამოიჩიოს,
რომელმაც უნდა იყოლიოს მუღმივი დასი და შეი-
ნახოს თეატრი.

* *

ქ. ოზურგეთის მოურავათ ამოურჩევიათ ნ. ყ.
თავდგირიძე, რომელმაც მხოლოდ წელს დამთავრა
სწავლა ოდესის უნივერსიტეტში. ეს ამბავი ფრად
სასიამოვნო და საყურადღებოა, როგორც იმის გა-
მომხატველი, რომ საზოგადოება ნდობით ეკიდება
ჩვენ ახალგაზრდა განათლებულ თაობას. სასურველია,
რომ თვით ნ. თავდგირიძეც ეცადოს არ გაუმტყუ-
ნოს საზოგადოებას იმედი და პირნათლათ ემსახუროს
იმ ხალხს, რომელმაც მას ასეთი ნდობა გამოუცხა-
და და თავისი ინტერესების დაცვა მიანდო.

* *

მიწათ-მოქმედების და სახელმწიფო ქონებათა

სამინისტროს წარმომადგენელმა კავკასიაში წარუდგინა
ამავე სამინისტროს მის მიერ შემუშავებული პროექ-
ტი სამეურნეო სასწავლებლის დაარსებისა თბილის-
ში. პროექტის ძალით ამ სამეურნეო სასწავლებელ-
ში სწავლა გაგრძელდება წ წელს, იმათში ერთი მო-
სამზადებელი იქნება. სასწავლებელში მისაღებათ სა-
ჭიროა პროგიმნაზიის კურსის ცოდნა. საზოგადო ხა-
სიათის და სხვა-და-სხვა სპეციალური საგნების გარ-
და აქ ასწავლიან მებარეშუმეობას, მეფუტკრეობას,
მელენეობას, მევენახეობას, ბაღსაზრუნავს. განსაკუთ-
რებული ყურადღება ექნება მიქცეული სამხრეთ ქვეყ-
ნების მცენარეთა გაშენებას. ამ სასწავლებელში სწავ-
ლა დამთავრებულთ ნება ეძლევათ სწავლის გაგრძე-
ლებისა სამიწათ-მოქმედო სამინისტროს სხვა-და-სხვა
მაღალ სასწავლებლებში და სამეურნეო ინსტიტუტ-
ში კი უპირატესობა ექმნებათ სხვა სასწავლებელთა
შეგირდებთან. ამ სასწავლებლის გახსნისათანავე, უნ-
და დაიხუროს ახლანდელი საბაღსაზრუნო სკოლა.

* *

მოგვხსენებთ, რომ თბილისის სამოქალაქო სა-
მკურნალო, რომელიც უკურნებლათ ქმნის უმეტეს
აქ მომსლელ ავთმყოფთაგანს, ბოგანო ხალხისათვის
არის დაარსებული განურჩევლათ ეროვნებისა და წო-
დებისა; მაგრამ სულ წინააღმდეგს კი ვხედავთ... უკი-
დურეს მდგომარეობამდე მისული ბოგანო ხალხი
დილის 8 საათზე მიდის ამ სამკურნალოში იმ განზ-
რახებით, რომ თავს უშველოს. რვა საათზე, რო-
გორც წესდება უჩვენებს, ჩაწერენ მსურველებს ავთ-
მყოფთა სიაში (ყველაზე გვიან მოხვდებიან ქართვე-
ლები). შემდეგ ავთმყოფნი სასოებით ელოდებიან
ექიმების მობრძანებას, რომლებიც წესით და სამართ-
ლით 9 საათზე უკვე ავთმყოფებს უნდა შინჯავენ.
მაგრამ ნუ მოგვცათ რისხვა: ეს ბატონები ძლი-
ერ კარგი, თუ შუადღის პირველ საათზე გამოჩნდენ.
თუ რა შედეგი მოჰყვება ექიმების ასე გვიან მობრძა-
ნებას, ამას მკითხველიც მიხვდება; ავთმყოფს შე-
ხედვენ შორიდან, ჰკითხავენ ერთ რამეს და მორჩა
და გათავდა: „რეცეპტი“ მზათ არის. ასე, რომ ნა-
ხევარ საათში რამდენი ავთმყოფი გენებათ, რომ ამ-
გვართ არ გაშინჯონ... უბედურება კიდევ ის არის,
რომ ეს ამოდენა დასუსტებული ხალხი წამლების
გაკეთების ლოდინში იტანჯებიან. აბა, თქვენ წარ-
მოიდგინეთ, დილის 8 საათიდან ავთმყოფი ხალხის
შუადღის 3 საათამდე ერთათ ყოფნას რა ცუდი შე-
დეგი უნდა მოჰყვეს: ავთმყოფნი კიდევ უარესათ ხლე-
ბიან, რასაც მოწმობენ იქაური ფერწლები და მსახუ-
რები. ავთმყოფთა სიაში ჩაწერაც ხომ მეტათ ძნე-
ლია. ზოგს მოწმობით და ათასგვარი დავიდარბითაც

არ ლებულობენ და ზოგს კი ერთი სიტყვის მეტიც არ ეხარჯვის. ყოველ შემთხვევაში კი ეროვნებას ძლიერ ყურადღებას აქცევენ. თუ ეინმე ავთმყოფთაგანს სიმწუხარის გამო საყვედური წამოცდა აქაური მოსამსახურეების შესახებ, ვაი მისი ბრალი! ავთმყოფობა და წამალი კი არა, თავს ოხრათ მოუტყევენ... ამ სამკურნალოს წესდება სხვათა შორის, იმასაც ამბობს, რომ ყველა ავთმყოფი 12 საათამდე უნდა გაშინჯული იქნეს ექიმების მიერ, მაგრამ როგორც ზევით ვამბობდით მესამე საათამდისაც არ თავდება ეს აქაური თავისებური გაშინჯვა.

შეთვალუურე.



ეპიტანია ეპისკოპოსის კიპრისა ქვათათვის.

II

მვალში“ ჩვენ მოვიყვანეთ ერთხელ „მელოცვანი“, რომელნიც ამოწერილი გვქონდა სხვადასხვა კარაბადინებიდან. ახლა მივაქცევთ მკითხველის ყურადღებას ძველი დროებიდან გავრცელებულ ცნობას ძვირფას ქვათა საექიმო მნიშვნელობაზე. ამგვარი ცნობა ქართულ ენაზე, როგორც შევნიშნეთ ჩვენ წიგნში „Очерки по истории грузинской словесности“ (თავი — „Рай и драгоценные камни“) გადმოტანილია საქართველოში და რუსეთში საბერძნეთიდან. ესრეთ წოდებულ „არჩილის ხრონოგრაფში“ სრულიად მოყვანილია ქვათა აღწერილობა და მნიშვნელობა.

„სარიდიონ, რომელიც არს ბრწყინვალე და ჰკურნებს სიმსიენესა და წყლულებსა, რომელნიცა იქმნებიან რკინათა მიერ. — ტანბაზი — ესე არს ფრად კეთილ, ხოლო მკურნალნი გაღვსევენ საღვსაჲსა ზედა და გამოვალს მის მიერ წყალი, რომელიცა სარგებელ ეყოფის ტკივილს თვლისასა და მათცა, რომელნი შეირყევიან კუთისაგან. — ზმარადლო არს, რომელსა შინა იხილენ კაცნი სახეთა მათთა მწვენდ. — ანთრაკი არს ძოწეულის ფერი და იპოვბს იგი ღამე, ხოლო მუნ, სადაცა იპოვბის ჩანს შორიდან, ვითარცა ნავერჩხალი გამოაკრთობს ნაპერწკალს და ბრწყინვალეობითა მისითა სცნობენ და მიიღებიან. — საფირონი — ესე არს ლურჯი და არს სხვა ფერისცა, თეთრი; ამას გაღვსევენ და წყალსა მისსა გაურყევენ მრავალ ფერთა წამალთა შინა, ხოლო ტკივილსა მას ტანისასა, რომელნიცა მოუხდებიან კაცთა, ჰკურნებს მათ. — იასპი — ესე არს კეთილმყოფელ მათთვის, რომელნიცა სამთაერო (თუ სამთაერო?) საეშმაკო განა თუ რეტიანობაჲ (სჭირთ). —

იაკინთი — ესე უზესთავსად სყირმიზობს და კეთილსა უყოფს დედათა, რომელნიცა ვერ შემძლებელ არიან შობად და ოდესცა დაადენ იგი, მეყვესულათ ჰშობს. — ახატი — ხოლო ესეცა წითელი არს; კაცს, ოდესცა უცემს, განა სხვამან და დაუსეან იგი შუბლსა ზედა მისსა, მეყვესულათ ჰკურნებს. — დაუთრობელი — ესეცა წითელი არს და უკეთუ ვისმე ეპყრა ხელთა მისთა არს და ითრობს იგი, რაოდენიცა სეას. — ოქროს ლოდი ოქროს ჰფერობს, ესე უკეთუ გაღვსოს ეინმე, ჰკურნებს შარბიას ქვათა და თირკმელთა შთაცვიენასა, ოდესცა შეუზუთავს ასოთა შარდსა. — კირილიოს — ესე არს ტკბილი. — ონისიონ — ესე არს მოწითლო.“

შემდეგ მოყვანილია ებრაულათ ზემო მოყვანილი ძვირფასი ქვების სახელები.

ს. ხასანაშვილი.



საყურადღებო ამბები.



ასკითი. კახეთი ცუდ გუნებაზეა... ან რატომ არ იქნება ცუდ გუნებაზე, როდესაც იმისი მაცხოვრებელი და მაცოცხლებელი — კახური მხარს აღარ უჭერს: შარშან ხომ არა მოვიდა რა და ლამის წელსაც იგივე დამართოს; ბევრი ზვარ-ვენახი ჩარეგვა სეტყვამ ისე, რომ პატრონს საგაისოთაც აღარ გამოადგება; დანარჩენ ალაგას კი თითქმის დაისერიმებული მარცვალი გაცვიდა.. პურის მოსავალმაც უმტყუნა კახეთს: აუარებელი წვიმების გამო ყანებს გულა ფშუტა მოედვა, ხოლო ზოგიერთ ალაგას ყანა მეტათ აღელდა, აყალდა და ნაწილი კი ვერ ჩაიღვა.

ამ გაჭირების დროს საუფლისწულო მამულეები კარგ სიკეთეს უშვრება კახეთის ეკონომიურათ დაქვეითებულ ხალხს: თითქმის მთელი წლის განმავლობაში არის მუშაობა ამ მამულეებში, სადაც ათასობითა მუშაობს კაცი, ქალი და გოგო-ბიჭები... ესენი თუმცა ბლომათა შოულობენ ფულს, მაგრამ, როგორც ყოველთვის, ეს ფულიც ეპყრემდეუქნეების ხელში გადადის. გარდა ამისა, მუშები შორეული სოფლიდანაც მოდიან, მაგ., ქიზიყიდან, რომლებიც იძულებული არიან კვირა-უქმე დღე სამიკიტნოებში გაატარონ. ამის გამო სხვადასხვა მანე ჩვეულებაც იკიდებს მათში ფხს, მაგ. ლოთობა.

ამ ბოლო დროს ძალიან გამრავლდა ქალაქებში საკვირაო სკოლები, მაგრამ მე მგონია, რომ არც სოფელშია ურიგო საკვირაო სკოლა. მომეტებულათ იმისთანა სოფლებში, როგორიც არიან წინანდალი,

ნათარეული და სხვა საუფლისწულო სოფლები, სადაც აუარებელი შეუფენებელი და ანბანის უცოდინარი ხალხი ტრიალებს კვირა-უქმე დღეს.

იმედი უნდა ექონიოთ, რომ ზემოხსენებული სოფლების ინტელიგენცია მიაქცევს ყურადღებას ამ ბეჩაე ხალხს და ანბანს შეასწავლის მას კვირა-უქმე დღეობით.

კარგი იქნებოდა აგრეთვე, რომ ადგილობრივ მუშებმა თავიანთი დუქანი თუ არა, პურის საცხობი მაინც იქონიონ.

ერთი სამუშაო ალაგი კიდევ გამოუჩნდა კახეთის გაკირებულ ხალხს—ეს არის დაღესტნის მოსსე, რომელიც გადაიღის კავკასიის ქედზე და კახეთს დაღესტანთან შეაერთებს. ამ გზის გაყვანა მინდობილი აქვს ინჟინერ თავ. ანდრონიკაშვილს. გზის გაკეთება ჩვეულებისამებრ ნაწილ-ნაწილათ აუღიათ წვრილმან მოიჯარადრეებს, ერთი ნაწილი სხვათა შორის აუღია ვიღაც ლეკს, ადალას, რომელსაც თავის მხრივ გასაკეთებლათ მიუტია 8 მუშისათვის თექვსმეტი თუმანი. ამ მუშებთა შორის ურევია ერთი ხევსური—გვრათ ფიცხელაური. ამას წინეთ გავლით კახეთში ვიყავი; ალაზნის პირათ დუქანში დაინახე ერთი კაცი, რომელიც გარეგნობით მთიელსა ჰგავდა. გამოვიტხე და მართლა ხევსური გამოდგა—გოი ფიცხელაური, ზემოხსენებული ფიცხელაურის ძმა, რომელიც ფულისათვის ჩამოსულიყო თავის ძმასთან, მაგრამ დაღონებული და დამარებული ხელცარელი მიდიოდა უკან სიცხისაგან გაღუქებული მთის შვილი, რადგანაც გიოს ძმას ერთი თვის წინათ დამთავრებული საქმის ფული ჯერაც არ მიეღო; ღერეწალი არ მოსულა, მე თვითონ ფული არ მიმიღია და აბა რა მოგცეთო—ასე გვეუბნება ის ლეკიო. მაგრამ ტყუისო, დაუმატა ფიცხელაურმა, მარტო ჩვენებს კი არა, ყველა მუშებს ასე ატყუებენ—ამუშავებენ და ფულს კი არ აძლევენ.

ი. გ—წი.

* * *

სოფელი იანეთი (ქუთაისის მაზრა). ეს მეორე წელიწადია, რაც ჩვენ გვეწვია მიწის მზომელი, რომელიც მუშაობს მხოლოდ ზაფხულობით, როდესაც გლეხებს, სრულიად მოცლა არა აქვთ. პირველათ მან გამოგვიცხადა, რომ უნდა დავმიჯნო კერძოთ ყველა ამ სოფლის მფლობელთა მიწებიო, მაგრამ, რადგანაც ამას მთელი საუკუნე მოუწოდებოდა, ეთხოვეთ—ირველივე დაემიჯნა მთელი სოფელი, როგორც საერთო მამული; ისიც დაგვეთანხმა, და ამნაირათ, ვფიქრობთ, წელს დაასრულებს მუშაობას. ყოველ დღე

ათი კაცი, ორი ცხენი და ერთი ურემი უნდა გამოვიდეს სოფლიდან; აგრეთვე დამიჯნვის ღროს უნდა დაესწრონ მოსამზღვრე სოფლელებიც და ასე დღეში მოცდენილია მუშაობას ორმოც თუ სამოც კაცამდე. „ხეალ დილით ადრე წაჰყე“ „ეყევენას“ ბართ და წაღლით, —უყვირის სოფლის მოხელე მუშაობისაგან მოქანცულ გლეხს.—„რა ღროს „ეყევენია“, შე კაცო, სამინდი გაუმარგლეო მიფუქდება“—ეუბნება გლეხი.—„არ შეიძლება, დესიტრაფები“—უმეორებს მოხელე და მიდის მეორესთან გამოსაწვევით და იქაც იგივე ისტორიაა.

ხონის მეგბრეშუმეთა პირველმა ამხანაგობამ წელს ბევრი ყაჭის თესლი დაარიგა ამ სოფელში და, როგორც ეტყობა, საღი თესლი ყოფილა, რადგანაც მოსავალს კარგი პირი უჩანს. თითოეულ თესლის ზარდანჩას (კოლოფი) ამხანაგობა ყრდის 2 მ. 40 კაპ., ხოლო მეიდველს შეუძლია, ნაცვლათ ამ ფულისა, გამოიღოს მეოთხედი მსხველსა; ჩვენი ფიქრით, ეს მეტათ ბევრია, საკმაო იქნებოდა მეხუთედი ნაწილიც, რადგან ამ წილითაც თითოეული ზარდანჩა 4—5 მ. დაუჯდება ამხანაგობას. ყოველ შემთხვევაში, დიდი მადლობის ღირსია ჩვენგან მმართველი ამხანაგობისა, ბ. წერეთელი, რომელიმაც საღი თესლის მოპოვებით საშუალება მისცა მუშა ხალხს ორიოდ გროშის შეძენისა ამ საშინელ უფულაობის ღროს. მკითხველებმა იციან, რომ ამ სამი-ოთხი წლის წინეთ გამოყვანილ იქმნა ცხენის-წყლის ერთი ნაწილი, რომელიც საკმაოთ რწყავს ყველა ცხენის-წყლისა და გუბო-წყლის შუა მდებარე სოფლებს, რასაც დიდი სარგებლობა მოაქვს მცხოვრებთათვის. რამდენი მინდობი, წინეთ სრულიად უნამყოფო, გადაბიბინებულა მწვანე ყანებით, რამდენი წისქვილი ტრიალებს და სხვა; მაგრამ ჩვენ, იანეთლები, მოკლებული ვართ ყველა ამ სიკეთეს: ჩამოაწვეს რა ეს წყალი ჩვენში, ერთბაშათ ზურგს შეგვაქცევს და მიეშურება ბზ. ჯანელიძისა და ჭეიშვილის წისქვილის არხში და ჩვენ ყელ-გაუთსელებელს გეტოვებს. არა ერთხელ მიემართეთ თხოვნით, ვისთანაც ჯერ-იყო, რათა გატარებულიყო ეს წყალი შუა სოფელში, მაგრამ წინეთ გვეუბნებოდენ, გაყიდულია წყალიო; შემდეგ გვაუწყეს, რომ თუ შევიტანდით საწვერო ფულს და არხებს დაეამზადებდით, წყალი მოგვეცემოდა. ასს მანეთამდინ საწვერო ფული გამოვიღეთ, სამი ვერსის მანძილზე თხრილები დავაკეთეთ და წყალს მოველოდით. მაგრამ, როგორი იყო ჩვენი განცვიფრება, როდესაც წყლის ნაცვლათ „ბორჩიკები“ მოგვაყენეს კარზე—ექვს-ექვსი მანეთი გადაიხადეთ კომლზე წყლის სარგებლობისათვისო! წყალი თვალით არ გვენახა და ფულებს კი გვანდევინებდენ! გაჩნდა „ადეოკატების“ ძებნა და

თხოვნების წერა. აღმოჩნდა სრულიად სიყალბით შედგენილი სიები სარწყავი მიწის რაოდენობისა: ეისაც 1/2 ქვევა ეზოს მეტი არაფერი ებადა, სიაში ნაჩვენებნი იყო ექვს ქვევა ეზოს მექონეთ და ისიც ეითომც წელიწადში სამჯერ მოერწყოს! ამნაირათ დაეხწვით თავი უკანონო გარდასახადს. შედეგი ამისა რს იყო, რომ, წყლის მონაწილეთა უმეტესმა ნაწილმა, შეშინებულმა, რომ კვლავ არ განმეორებულყო ასეთი სიცილების მხილება, წყალზე უარი განაცხადა. და ნარჩენი მონაწილენი ეთხოულობთ წყალს, მაგრამ თხოვნა ჩვენი ჯერჯერობით რჩება „ხმათ მღალადე ბელისა უდაბნოსა შინა“. გვიკვირს, რისთვის არ არიან პასუხის-გებაში მიცემულნი ყალბი სიების შემდგენელი პირები?

„ჩქაულები“

* *

* *

შქმას აქაურმა ქართველობამ, როგორც იყო, გაიხსენა წყალდიდობისაგან დაზარალებული მოძმენი და ამას წინეთ, ადგილობრივ სამხედრო კლუბში გამართეს წარმოდგენა რუსულ ენაზე, თუმცა ქართულათაც სურდათ წარმოდგენის გამართვა, მაგრამ ვერ მოახერხეს დაუდევრობის გამო. შემოსავალი სულ შეიღ თუქნამდე იყო, განზრახვა აქეთ მეორე ჯერაც გამართან ამნაირივე საღამო, იმავე მიზნით.

აქეთ კარგი ამინდებია, დაბლობ ადგილებში უკვე მკას შეუდგენ. წლეულობითაც კარგ მოსავალს მოვლიან. ხორბლის და ქერის ფასმაც შესამჩნევათ აიწია. ხეხილის მოსავალსაც კარგს მოვლიან.

ბ—ი.

* *

გუჭიადან: ხალხის გაჭირებებს ვინ მოთვლის. თანდათან უკან მიდის საქმე მატელიალურათ. ყანების დათესა ვაკეში ვეღარ გაბედეს წელს და ქედის მოსავალი აბა რას გეიზამს? იმასაც რომ სასიკეთო პირა უჩნდეს, ვინ რას იტყვობა?

მხოლოდ ერთათ ერთი აბრეშუმის იმედი აქვს ხალხს და კიდევაც თვე-გამოდებით ტყანებიან ამ საქმეს. ასე გასიზვეთ, ისე გატაცებულია ხალხი აბრეშუმით, რომ ბჟოლის (თუთის) ფოთლის საზოგენლათ ქურდობასაც ჩადიან. ერთი ს. ლესაში ღამით ჩაიპარა სხვის ბაღში ბჟოლის ფურცლის საქურდლათ, მაგრამ შეცდომა მოსელოდა და ბჟოლის ნაცვლათ ვაშლი „გაეჩხოტა!“

ამ შეშინებულმა ბევრი აცინა ხალხი, ხოლო არა ნაკლები სასაცილოა ის გარემოება, რომ ერთმა ქალმა ს. აკეთში ცრუ მორწმუნეობით თვით

ყაქს ბიბოლი გადაკლავა, იმ მიზნით, რომ ბევრი აბრეშუმი გამოკეთდებოდა.

გურიის სავაჭრო სამრეწველო ამანაგობა „შუამავალი“, რაც შეიძლება თვე-გამოდებით მეცადინეობს, მაგრამ ფრიად საჭიროა შეგნებულნი პირების დახმარება და ხალხის თანაგრძობა. ამანაგობისათვის მეტათ საჭიროა ამ ჟამათ ფული და ეისაც კი სრულათ არ შეუტანია პის ფასი, უმორჩილესათ თხოვენ ყველას დანარჩენი ფულის დაჩქარებას ზოგიერთები თურმე უსიამოვნებას აყენებენ ამანაგობის გამოკებლთ და ხელს უშლიან, მაგრამ იმეღა ადგილობრივი აღმინისტრაცია ჯეროვან დახმარებას აღმოუჩენს ამ საქმეს.

სოფ. ბათაყა (კეკელიძის მახრა). სოფელ ბათაყაელებს მართებთ თავიანთ ახლო მეზობლების ქიშტების სისხლი. ამის გამოისობით მოუხსენარნი ქიშტები მოსვენებას არ აძლევენ ბათაყაელებს, და ეს უკანასკნელიც დღე-ღამე ხელში იარაღით დადიან. მისის მიწურულ რიცხვებში, ბათაყაელები, წიკავეი (ნწ წლის) თავისი ორი შეილი შეილით, და ხოდოვი, ორი ურმით მიდიოდენ, „კარმოლაკისკენ“, საცა დროებით ფარეხები აქეთ. გზათ უნდა გაველოთ ქიშტების ტყეზე. ბათაყაელნი ერთ გორაზე რომ ავიდენ, შეამჩნიეს, რომ დაბლობში ორი კაცი გამოჩნდა, რომლებმაც გამოიხედეს ურმიანებისკენ და იქვე საჩქაროთ დაიმაღლენ. ბათაყაელებს თუმცა ეჭვი შეეპარათ გულში, მაგრამ მაინც უკან აღარ დაბრუნდენ, ჩაეშვენ თუ არა დაბლობისკენ, ხოდოვა შორიდანვე შეამჩნია, რომ ქიშტები ხის ძირში იყვენ ამოფარებული, ურემი შეაყენა და მოხუცს წიკავეს უთხრა: „აგერ ქიშტები ჩასაფრებულან და უკან გაებრუნდეთ ცუღია და არ გაებრუნდეთ, მაინც გაფრთხილება გემართებსო“. მოხუცმა მითომ რომ შეატყობინოს ქიშტებს, რომ ისინი მათი მოსისხლეები არ არიან, ხმა მაღლა ქიშტების გასაგონათ შეჰძახა: „ჩვენთან რა საქმე აქეთ, რას გვემართლებიან ქიშტები, იმათი მოსისხლე ვინც არის, ხომ ცხადია მათისაო“, და გააგრძელეს სიარული. როცა დაუპირდაპარდენ ჩასაფრებულებს, ამ უკანასკნელებმა დაცალეს თოფი იმ განზრახვით, რომ ბათაყაელებისთვის თოფების გასროლა გამოეტყუენათ. მართლაც, ბათაყაელები აჩქარდენ; სამი თოფი ჰქონდათ სამივე ერთბაშათ მიახალეს ქიშტებს, და დარჩენ ცარიელები. ახლა კი იდროვეს ქიშტებმა. გაისროლეს თოფები და ერთი ტყვია მოხვდა მოხუცს წიკავეს. მოხუცმა ეს არაფრათ ჩაავლო, იძრო

ხანჯალი და გადადგა ქიშტებისკენ რამდენიმე ნაბიჯი, მაგრამ ამ დროს მოხვდა მეორე ტყვია ბარძაყში. ახლა კი მოაელო ხელი მოხუცებულმა თავის ერთ პატარა შვილი შეიღს და მ-სი შემწეობით მივიდა და მიჯდა ხის ძირში. გავარდა კიდევ რამდენიმე თოფი ერთათ, ორი ტყვია გულში მოხვდა მოხუცსა, ერთიც ხოლოვს კუნთში; ხოლომაც ამოღებული ხანჯლით მიაშურა ქიშტებს, მაგრამ მოხვდა მეორე ტყვიაც და წაიქცა. ახლა კი მიცვიფდენ ქიშტები მოკლულ მოხუცს წიკავეს, მოჭრეს მარჯვენა ყური და გაიქცენ. თოფების ხმაზე, იქვე ახლო ერთი სხვა კაცი ბათაყაველი ყოფილიყო, რომელიც მოეშველათ ბათაყაველთ და ეს საზარელი ამბავი რომ ნახა, საჩქაროთ აცნობა თავისიანებს. უეცრათ შეიქნა ზარების გაჩქარებული წკარა-წკური. სწორეთ უცხო კაცს რომ ენახა ამ საათს ბათაყოს სოფელი, ეგონებოდა, ასაკლებათ მას მტერი შესვლიაო, ქალიან კაცია-ნა, ვისაც კი შეეძლო იარაღის ხმარება, ყველა შეიარაღებული იყო. ბათაყაველები ჩქარა მივიდნენ და ხოცილებთან. მოვიდნენ აგრეთვე მდევარნი ქიშტების მხრითაც. გაიმართა მოციქულების მისვლა-მოსვლა ბათაყაველებსა და ქიშტებ შორის. ორივე მხარე მზათ იყო ერთ-ერთისთვის იარაღით შეეტა; სწორეთ, დიდი უბედურება მოხდებოდა ამ დღეს აქ, რომ ორივე მხრის მამასახლისებს არ დაემშვიდებინათ ხალხი, და ჩქარა ბოქაული არ მოშველდებოდათ. ქიშტებს ჩვეულებათ აქეთ სისხლს რომ აიღებენ, უნდა ყური მოჭრან ხოლმე მოკლულს, და წაიღონ თავის მკედრთან, ე. ი. რომელიც წინეთ მოუკლეს; დედამ ამ ყურს ცოტა უნდა მოკენიტოს და მერე იმის საფლავეში უნდა დამარხონ ეს ყური. მითომ მათის აზრით, რაკი ასე მოიქცევიან საიქიოს ყურმოჭრილი მისი მკედრის „ყური მოჭრილი“ ყმა იქნება. მოხუც წიკავესაც ქიშტებმა მითომ მოჭრეს ყური, მაგრამ ამ დღეს ვერ შეისრულეს ქიშტებმა წადილი: ყური თუმცა წაიღეს, მაგრამ წინათ ბათაყაველებისგნით მოკლულ ქიშტის დედამ გაიგო თუ არა, ყური მოხუცი კაცის არისო, უსაყვედურა სისხლის ამღებთ: „ეგ მოხუცია და ჩემ შვილს ვერაფერს სამსახურს გაუწევს საიქიოსაო“. ამიტომ ყური ღუესაც ვარცლ-ში უღვეთ თურმე ხელუხლებლათ. საბრალო წიკავეს ცხრა ბერდანის ტყვია ჰქონდა მოხვედრილი და ორიც ხოლოვს. აგრეთვე ორი ცხენიც მოკლეს ქიშტებმა. ცხენებსაც, ყურები დააჭრეს და წაიღეს. ბათაყაველნი დღეს გაფიცებულნი არიან: „საცა და ვისაც შეეხვდეთ ქიშტებიდან ნუ დაეზოგათო, ჩვენი ყურის მაგიერ ქიშტების კაცის თავი დაეიბრუნოთო“.

ქართული ოსებში.

* *

სიღნაღი: ამ თვის 6-ს თელავიდან ჩვენც გვესტუმრა ჩვენი ენა—ლიტერატურის მოყვარული ქალი მარჯორი უორდროპი თავის ძმა-მშობლებითურთ. სიღნაღ-ქიზ-ყის ინტელიგენციამ დიდი პატივით მიიღო ძვირფასი სტუმრები. ქალაქის დათვლიერებას შემდეგ სასურველი სტუმრები წაბძანდენ წმიდა ნინოს მონასტერში, იქიდან ქვემო-მანხანაში და ინახულეს ქიზიყის სახალხო დეპოც. სიღნაღის მალაღმთის კორწოხის ბაღში, რომელიც ამაყათ გადაყურებს დიდებულ სურათს—ალაზნის ველს, ქ-ნ უორდროპის საპატრიცემოთ იყო გამართული სადილი, რომელზედაც დაესწრო მთელი სიღნაღის შეგნებული ქართველობა: ქალი და კაცი. სადილზე შესაფერი და საგულისხმო სიტყვები წარმოთქვეს შემდეგ პირებმა: მ. დეკანოზმა ს. ბეგიაშვილმა, დ. მაჩხანელმა, ა. ხანდრავამ, კ. მაღალაშვილმა, მ. ნასიძემ და სხვებმა. მომღერალთა გუნდი საქებურათ მღეროდა: „თამარის დროშა გაშალეს“, „აღზღებ, გმირთ გმირო, ნუ გძინავს“, „ქართველო ხელი ხმაღს იკარ“ და ტკბილი დუღუკიც მწარე კენესით ბანს აძღვედა იმათ ტკბილ—მწუხარე ხმას. საღამოზე გაიმართა ლეკური ცეკვა და ძვირფასი სტუმრები დიდათ ნასიამოვნები ქართველთა სტუმარ-მოყვარობით და ქიზიყის შეწიერი ბუნების დიდებულობით, გამოემშვიდობენ ყველა იქ მყოფთ. ბევრი ქართველი ქალი და კაცი დააფიქრა საკეთილოთ ქ-ნ უორდროპის ტკბილმა ქართულმა სტყევა-პასუხმა. სადილ-ს მოთავეთა შორის განსაკუთრებითი მადლობის ღირსნი არიან დანი კნ. ნ. და ე. ანდრონიკაშვილის ასულნი და ბ-ნნი: კ. ბალაშვილი და ე. ბეგიაშვილი.

ამ თვის 9-ს სიღნაღიდან ტფილისში გაემგზავრა ქ-ნი უორდროპი, რომელმაც სიღნაღის მახლობელ მინდორში, ერთ მუხის ქვეშ შეკრიბა ახლო-მახლო ყანებიდან ქართველი მუშა-მომკელები, გადილო ფოტოგრაფიული აპარატით მათი სურათი, და პატრეჟა მუშები პურ-ღვინოზე, უთხრა რამდენიმე ძმური სიტყვა და დასაჩუქრა ფულითაც. მუშებმა რომ გაიგეს ქ-ნ უორდროპის ვინაობა, გმირულ ხმაზე უმღერეს მუშური და ალტაცებული გაუმარჯოს ძახლით და ქუდების ქნევით გააცილეს ძვირფასი სტუმრები.

დამსწრეთაგანი.

* *

ფრონის სეობა (ქართლი). ფრონის ხეობა თავის ადგილ-მდებარეობით და სილამაზით ბევრათ არ

ჩამოუვარდება საქართველოს საუკეთესო კუთხეებს. ეს ხეობა გამოსდევს მდინარე ფრონეს, რომელიც იწყება დაბურულ მთებიდან ზღამოდის ველათ ვიღარე მკეტარს შეერთდებოდეს. მდინარის ნაპირას მრავალი სოფლებია, რომლებიც უმეტეს ნაწილათ პატარა-პატარა გორაკებზეა გაშენებული; ზოგი კი ხეობის დაბლობ ადგილებშია ჩამალული. შეენიერი სახანჯია ზაფხულობით მაღალ ადგილებზე გაშენებული სოფლები, რომლებიც თავიანთ ბალ-ვენახებით კოხტათ გადაკიდულან ხეობაში. რა კი ხეები გაიფოთლებიან და ბალახი ამწვანდება ფრონის ხეობა წარმოგვიდგენს ერთ შეენიერს ბალს, რომელსაც არც თავი ეტყობა და არც ბოლო. ადგილ-მამული ჩვენსკენ ბლომათაა; მოსავალიც კარგი იცის, ხალხიც გამრაველი და შრომის მოყვარეა. მიუხედავად ამისა ადგილობრივი გლეხები მეტათ გაჭირებით ცხოვრებენ. ეს იმიითი აიხსენება, რომ ჩვენი გლეხკაცი ხენათესვის მეტს ხელს არაფერსა ჰკიდებს. მთელი თავისი სიცოცხლე მიწას ჩაჩერებია და იქ ღერის დღე და ღამ ოფლს. ჭინახულზეა გლეხების ბედ-ილბალი დამყარებული, მაგრამ ჭინახულმა დიდხანა ფასი დაიკლო და ამიტომ დიდ სიღარიბეშია ჩაყვნილი აქაური მუშა ხალხი.

წელს ჩვენმა ხეობამ გარდა უფულობისა და სიღარიბისა ბევრნაირი ტანჯვა გამოიარა. შარშანდელ შემოდგომას შემდეგ ერთი ხეირიანი დღე არ დადგომა. ზამთარმა ხომ სულ მეტის-მეტათ შეაწუხა ხალხი. აქ რომ ზამთარი იყო, ღმერთმა ყველა დაიფაროს. არაეინ არ მოსწრებია ამ ამბებს. სახლებში შემწყვედელი ხალხი შიშით კარზე ევლარ გამოდიოდა. მთელი მიდამო თოვლით იყო გადალესილი. მეზობელი-მეზობელს ხმას ველარ აწვდენდა. ხან თოვდა, ხან კორიანტელი ტრიალებდა. იყო ერთი ვაი-ვაგლახი. ქარი განუწყვეტლათ წუთოდა და ღრიალებდა. სახლებსა და სახლებ შუა თოვლის გორები იყო აშენებული. ამ ამბებით შეშინებული ხალხი დღესაც ვერ მოსულა გონს, მას არ ჯერა, თუ ეს უბედურება ღვითთ არ იყო მოვლინებული ხალხის დასასჯელათ. რაც ზამთარმა დააკლო აქაურობას, ის წყალ-დილობამ და ნიაღვრებმა შეუსრულეს. მდ. ფრონე, რომელიც ზაფხულობით სულ პატარაა, ორჯერ საშინლათ ადიდდა. პირველ ადიდებაზე ფრონეს დიდი ზარალი არ მოუცია, მარტო ახლო-მანლო ადგილები წალეკა. მეორე ჯერ კი ფრონემ აქაურობა განადგურა. ეს იყო 28 მაისს. აზღვაებული მდინარე დაჭრილ მხეცავით ღრიალებდა, და თან სახლის ოდენა ზეირთებს მოავორებდა. თავ-ზარ დაცემული ხალხი ჯგუფ-ჯგუფათ მიეშურებოდა მდინარის ნაპირას, მაგრამ ხედავდა რა საშინელ სურათს, ისევე სახლებში გარბოდა.


ფრონემ დიდი ზარალი მისცა ამ დღეს აქაურობას. დაანგრია წისქვილები, მოგლიჯა ვენახები, წალეკა ქალები, გააფუტა მრავალი ხნული და ნათესები. ახლა რომ ეუცქერით, ველარც კი ეცნობთ, სად ბალი იყო, სად წყარო, და სად ქალები. ყველაზე შესამჩნევათ ფრონემ ორი სოფელი დაზარალა: დენი და ტახტიძირი. ეს სოფლები მდინარესთან ძალიან ახლო არიან გაშენებული. ადგილებულმა მდინარემ ჩამდენიმე კაციც იმსხვერპლა თავიანთი ურმებით და საქონლით.

ასეთი ამბავი ეწვია წელს ჩვენ ხეობას, მაგრამ ყველაფერს აქვს როგორც დასაწყისი, ისე ბოლოც. ბუნება კვლავ გაცოცხლდა; თბილმა ქარებმა იწყეს ქროლა. ჩვენმა გლეხებმაც გამოიღვიძეს, გამოჰყვეს სახლებიდან თავი და გასწიეს მინდვრებისაკენ, რომ მიხედონ თავიანთ აოხრებულ ადგილ-მამულთ.

გლეხებთან ერთათ გამოიხედა გარეთ აქაურმა თავად-აზნაურობამაც; ამ წოდებაში დღეს მოიპოვება რამდენიმე პირი, რომელიც გულ-წრფელათ თანაუკრძნობს ხალხს თავის გაჭირებაში. ეწვია ჩვენ ხეობას მოსწავლე ახალ-გაზდობაც. თ. ს. ა—ძის სახლის კარი დიდი ხანი ვაღებულთა ყველა იმ გლეხების ბავშვებისთვის, ვისაც ცოტათენი სწავლა უნდა შეიძინოს. ამ ოჯახში დაიარებთან გლეხის პატარა ქალები და წერა-კითხვას სწავლობენ.

ამ ცოტა ხანში აქ ერთი წარმოდგენა იყო გამართული ზემო-ხსენებულ თავადის სახლში, მისი შეილების მოთავეობით. წარმოდგენაზე გლეხების პატარა ქალებმა წაიკითხეს ლექსები. ითამაშეს „პარიკმანერისას“ თ. რაფ. ერისთვის.

ბ. ქ.



ო ბ ო ლ ი.



ათა მცემ დედინაცვალო,
 რა უფლება გაქვს ჩემზედა!
 მითი გსურს განა დამჩაგრო,
 რომ აღარა მყავს მე დედა?

—
 ჩემზე რა ღვაწლი მიგიძღვის,
 რა შრომა გაგიწევია?
 შენ ჩემთვის ნანა არ გითქვამს
 აკვანიც არ გირწევია!..

—
 სულ მისიხანებით მიბრძანებ:
 მშობელი დედა დაჰმეო,

არ დაგცდეს მისი სახელი,
ეგ პირი აილაგმეო!..

ის შეიძულე და მხოლოთ
მარტო მე შემიყვარეო,
გინდა თუ არა იფიცე
შენ ჩემი მზე და მთეარეო!..

დარწმუნებულხარ მაზე, რომ
აღმართსაც მოხნავს ძალაო
და ავობ. სუსტო ძლიერთან
ს.ეა რაა, თუ არ ჩალოა!

მაგრამ ტყუედები, ვერ შემცვლი,
აღმზრდელი ძუძუ ტუბილია,
განგების ძალით ეს გრძნობა
გულში ღრმით აღბეჭდილია.

განა არ ცი შეიღისთვის,
მშობელი დედა რა არი
და მათა ტუბილი კავშირი,
რომ თვით უუსკრული ზღვა არი?

მაშ, რაღას ჩამციებიხარ,
ის დაეგმო, შენ გცე თაყვანი?
უწინამც მიწა გამისკდეს,
დაიწვას ჩემი აკვანი!

ვინც მშობა ძუძუც მაწოვა,
მირწევედა ვინც კაკანასა
და გრძნობით გატაცებული
მიმღერდა ტუბილსა ნანასა,

ის მიყვარს, ის მირჩენია
უთვალავს შენისთანასა
და სანამ შენში გავცვლიდე,
გულში დავიცემ დანასა.


რუს-იმერელი.



არაბთა პატარძალი.

დელფინი (ზღვის ღორი) და მისი სჭუმარი.

ზღვის ღორი თითქმის ყველა ზღვაში მოიპოვება. შეე ზღვაშიაც ბლომათ არის. იგი წყლის ზედაპირზე დაკურავს, წყლიდან მალ-მალ ამოხტება ხოლმე. გარეგნობით თევზის სრულ მსგავსებას წარმოადგენს. მაგრამ თევზი კი არ არი: თევზთან მას არავითარი ნათესაეფური კავშირი არ მოეპოვება. იგი ძუძუებიანთა გვარს ეკუთვნის ისე, როგორც ძალი, ღორი და სხვა ცხოველები. კანი მისი თხელი და შიშველია: თევზით ქერტლა როდი აქვს. უკანა ფეხები არა აქვს, წინა ფეხები კი ფარფლებათ აქვს გადაქცეული. სუნთქვით ისიც აღამიანივით სუნთქავს ფილტვებით. ამის ბრალია, რომ დიდხანს წყალში დაყოფა არ შეუძლია: უნდა მალ-მალ ამოხტეს, თორემ წყალში სული შეუეუბდება. კბილებს დელფინი არ იცვლის. ამიტომ საჩქევე კბილები არა აქვს. აფსკა (დიაფრაგმა) აღმაეწრათ აქვს მოთავსებული, ამიტომ ფილტვები გაგრძელებული აქვს. შეილებს იგი ცოცხლათ შობს. მათ



დელოფინი (ზღვის ლორი) და მისი სტუმრები.

რძით ზრდის. ძუძუ ორი აქვს და ორივე მოთავსებულია ტანის უკანალზე იქ, სადაც კანი ორმოსავით ჩაზნექილია... ზურგზე ზურგის ფარფლი აქვს. მუცელზე კანი ღია თეთრი ფერისაა, ზურგზე და გვერდებზე კი მომწვანოთ, იისფერათ არის აფერადებული. დელფინის კბილები ბევრი აქვს და რამდენიმე რიგით ჩაწყობილი; კბილებს შუა წყალი თავისუფლათ გადამოდის, მაგრამ პატარა ცხოველები: კიბო, კიბოსნაირნი, ჩილი-ხორციანები და სხ., რომლებითაც დელფინი იკვებება, რაკი პირში მოხვდება, გარეთ ევლარ გამოატანენ. დელფინთან ერთი ფრინველა ფრიალ დაახლოებულია. როცა დელფინი საზრდოს შეეცევა, ამ დროს მას ის ფრინველი დააჯდება და იმ საზრდოთი თითონაც ისარგებლებს. ვინც ბათუმში ყოფილა, მას, უეჭველია, ეს ფრინველიც ენახება. მას, მგონია, ბათუმელები ღორ-იხვას უწოდებენ.



შ ე ნ ი შ ე ნ ე ბ ი.

მინც ცოტათ თუ ბევრათ ღრმათ უკვირდება ჩვენ საზოგადოებრივ განვითარებას, ჩვენ საერთო ჭირს და ვარამს, ამ ბოლო დროს ის უსათუოთ, სხვათა შორის, ერთ ფრიალ სამწუხარო გარემოებას შეამჩნევდა. რასაკვირველია, წინეთაც არა სანატრელი ყოფილა ჩვენი მდგომარეობა; პირიქით, დასძრახნიც ვიყავით. მაგრამ ჩვენ იმას ვცდილობთ, იმიტომ ვიღვამთ წლებზე ფეხს, რომ რაიმე წარმატების ნიშანი დაგვეტყუას. მეორე მხრით, ვინ იტყვის, რომ ჩვენი საზოგადოებრივი ცხოვრების პირობები არ შეცვლილან, არ განვითარებულან, წარმატების გზაზე არ დამდგარან; ვინ იტყვის, რომ ცხოვრების პირობების ახალ პროგრესულ ძალას არ დაუბერავს ჩვენ დროთა-ვითარების გამო დაუძლურებულ საზოგადოებაში. მაგრამ საქმე ის არის, რომ ჩვენ ერთბაშო მოუშვადებელი დაეუხდით ახალ ცხოვრების პირობებს. ჩვენთვის იყო იმ დროს საჭარო ახალი ცხოვრების ანბანის გაცნობა და ჩვენ კი იძულებული გავხდით თვით ამ ცხოვრების სიღრმეში გამოცდილ მებრძოლათ გამომდგარიყავით; თუ არა და პარდაპირ შთანთქმა მოგველოდა, დედა-მიწის ზურგიდან აღგვა და გაქარწყლება.

დღეს ჩვენ თამამათ შეგვიძლია ვთქვათ, რომ ეს კრიტიკული დრო, ეს საშიშარი ხანა, სულ მთლათ თუ არა, მისი უდიდესი ნაწილი მაინც განვლილი გვაქვს. ბევრი შეცდომა მოგვივიდა, ბევრი ცოდვა ჩავიდინეთ, იმიტომ მხოლოთ, რომ არ გვესმოდა იმის

მნიშვნელობა, რაც ჩვენ გარშემო ხდებოდა. მაგრამ ეს ხომ საზოგადო კანონია მთელი კაცობრიობის განვითარებისა. კაცობრიობა მხოლოთ შემდეგ იგნებს და აფასებს თავის წინანდელ შეცდომებს. ჩვენ ახლაც ვამოუდებთ იმის გამოკვლევას, თუ რა მიზეზით აიხსნება ეს საყოველთაო მოვლენა და ჩაითვლება თუ არა ის საზოგადოებრივი ცხოვრების სამუდამო კანონათ. აქ ჩვენ უნდა მოვიხსენიოთ მეორე გარემოება. რომელიც, თუ ისეთ საყოველთაო მოვლენათ არ ჩაითვლება წარსულში, როგორც პირველი, არა ნაკლები მნიშვნელობა აქვს აწმყაში და უმეტესათ მერმისისათვის. ჩვენ ვამბობთ ისტორიულ გამოცდილებაზე. თუ რომელსამე საზოგადოებას ანუ ხალხს წინ უდგია გაიაროს დაახლოებით იმ ნაირივე მდგომარეობა, რაც წინეთ გამოუვლია, მაშინ მის მეთაურთ შეუძლიათ იხელმძღვანელონ, რამდენათაც არსებული პირობები ხელს შეუწყობენ, წინანდელი გამოცდილებით რ ისე იმოქმედონ, რომ ის შეცდომები, რომელთა თავიდან აცდნა შესაძლებელია, აღარ ჩაიდნონ. მაგრამ ამ გვარი გარემოება ხდება ძლიერ იშვიათათ: ერთი და იგივე ხალხი ძვირათ გამოცდის რამდენიმე ჯერ ერთ და იმავე მდგომარეობას, ან მის მსგავს. ამისათვის ისტორიულ გამოცდილებას უფრო დიდი და უაღრესი მნიშვნელობა აქვს სხვა ხალხისათვის, რომელსაც ჯერ არ გაუვლია იმავე განვითარების მსგავსი ხანა. დღეს ჭეშმარიტებათ არის აღსარებული, რომ განვითარებული ერი საზოგადოთ წარმოუდგენს განუვითარებელს სურათს მისი საკუთარი განვითარებისას. „ამიტომ რომელსამე ერს შეუძლია და ამასთანავე ვალდებულიცაა ისწავლოს მეორე ერის ისტორიიდან“ (მარქსი).

როგორც ვისარგებლეთ ჩვენ ამ გარემოებით იმ დროს, როცა პირველათ ჩვენი საზოგადოებრივი ცხოვრება ახალ გზას, გავეროპილენებას, დაადგა; სხვადა-სხვა გარემოებათა გამო, ჩვენთვის მაშინ შეუძლებელი იყო დროის შესაფერათ და შეგნებულათ მოქმედება. მაგრამ მას მერე ვავიდა საკმარისი დრო, რომ ჩვენ უფრო ღრმათ ჩაეკვირებოდით ცხოვრების პირობებს, საფუძვლიანათ შეგვესწავლა ეს უკანასკნელნი მით უფრო, რომ ის ისტორიული გამოცდილება, რომელზედაც ზეეით ვლასპარაკობდით, მას შემდეგ კიდევ უფრო ნათლათ გადაიშალა ჩვენ თვალწინ და ამიტომ საშუალებაც მოგვეცა საკმარისათ ჩაეკვირებოდით მას. მაშასადამე, ჩვენ ძალა-უნებულათ გვებადება ხოლმე იგივე კითხვა: როგორც ვისარგებლობთ დღეს განვითარებულ ერთა ისტორიული გამოცდილებით? ჩვენ, რასაკვირველია, არ ვცისრულობთ გაცვრითი წერილში ამ კითხვის გამოკვლევას; ჩვენ გესურს მხოლოთ რამდენიმე შენიშვნების წარმოთქმა.

ავილოთ, მაკ. მწერლობა, რაც ყოველთნის საზოგადოებრივი წარმატების ერთ უკეთეს გამოძახებულ ითვლება. ყოველად შეუძლებელია იმის უარის-ყოფა, რომ ჩვენი მწერლობა ამ რამდენიმე წლის განმავლობაში არ წარმატებულყოფს. ამის უარის-ყოფა პირდაპირ დაბრმავების ნიშანი იქნებოდა. მაგრამ, სამწუხაროთ, უნდა აღვიაროთ, რომ ეს წარმატება თვით ჩვენი საზოგადოებრივი ცხოვრების წარმატებასთან შედარებით ძლიერ უკან არის, რომ ჩვენ საზოგადოებრივი ცხოვრებამ გაასწრა ჩვენ ლიტერატურულ განვითარებას. აქედან პირდაპირ ის დასკვნა გამოდის, რომ ჩვენ ვერ ვისარგებლეთ ჩვენზე დაწინაურებულ და განვითარებულ ერთა ისტორიული გამოცდილებით. განვითარება ჩვენ ლიტერატურას უმეტეს ნაწილათ დაეტყო მხოლოდ იმაში, რომ მან შეითვისა დაწინაურებულ ერთა ლიტერატურის შედარებით უფრო უსარგებლო ნაწილი და ამასთანავე მისი აუცილებელი ნაკლები ნაწილი. შეიძლება ეს უფრო ადვილი იყო და ამასთანავე უფრო დროს შესაფერი. საქმე ის არის, რომ ის, რაც ჩვენ შევითვისეთ და რა გზასაც დავადექით ამ უკანასკნელ დროს, ლიტერატურის მხრით, ის განვითარებულ ერთა ლიტერატურაში მხოლოდ მერმენდელ ზენაშენს შეადგენს, თუ ასე შეიძლება ვთქვათ, დიდი ხნის განვითარების შედეგს, რომელიც სულ სხვა საფუძველზე აღარმდინდა. მკითხველმა უნდა იცოდეს, რომ, როცა ჩვენ თანამედროვე დაწინაურებულ ერთა ლიტერატურულ განვითარებაზე ვლაპარაკობთ, ჩვენ სახეში გვაქვს მხოლოდ ის ხანა, რომელიც იწყება ბექედითი სიტყვის შემოღებას შემდეგ. თავის დასაწყისში ბექედითი სიტყვის დანიშნულება და მოხმარება სულ სხვა საფორმებზე იყო დამყარებული. ამ საქმეს მაშინ ვისიმე პირადი ინტერესი არ ჰქონდა სახეში; აქ მხოლოდ საზოგადო სარგებლობაზე იყო დაფუძნებული ყოველივე. როცა კაცი გებულობს პირველ მბეჭდავთა ისტორიას, იმათ გულწრფელ გატაცებას, რომ ბექედითი სიტყვის იარაღით იმათ შეუძლიათ დიდი სარგებლობის მოტანა საზოგადოებისათვის, ვიმეორებთ, როცა ყოველივე ამას გებულობს ადამიანი, მას არ შეუძლია გამოუთქმელი პატივისცემით არ აღიჭურვოს მათ წინაშე. ჩვენ არ შევდივართ იმის გარჩევაში, თუ როგორი წარმოდგენა ჰქონდათ ბექედითი სიტყვის პიონერებს ხალხის სარგებლობაზე, რაში ხედავდნენ ისინი მის ბედნიერებას; ჩვენთვის საინტერესოა მხოლოდ იმათი უანგარო და გულწრფელი სამსახური და ღვაწლი ამ კეთილშობილურ ასპარეზზე. ბექედითი სიტყვას, როგორც ერთ უძლიერეს იარაღს ხალხის წარმატებისას, ამ გვარ პირობებში

შეეძლო მართლა რომ დიდი სამსახური გაეწია საზოგადოებრივი განვითარებისათვის. ეს ასეც მოხდა. ვინემ ევროპის ლიტერატურაში თავს იჩენდა ახალი დროის საზოგადოებრივი წარმოების წესი—ყველაფრის ფულით დაფასება და გაზომვა, მინემდის ამ ლიტერატურას უკვე განვლილი ჰქონდა ფრიათ საუკეთესო და ნაყოფიერი ხანა თავის განვითარებისა. ეს ხანა თავდება ევროპაში საზოგადოთ მეთვრამეტე საუკუნით. ამას შემდეგ, როცა კაპიტალისტური წეს-წყობილება გასაოცარი სისწრაფით ერცვლდება საზოგადოებრივი ცხოვრების ყოველგვარ სფეროში, ყველა კუნძულში, გასაკვირალი არ არის, რომ ლიტერატურასაც იგივე ბედი წვეოდა. წინანდელი შედარებით უანგარო მოღვაწეობა ლიტერატურულ ასპარეზზე ადვილს უთმობს პიროვნული ინტერესებით აღჭურვილ შრომას, ადვილათ გამდიდრების სურვილს: ლიტერატურა ხდება საშუალებათ, რომ თავი იჩინოს კაცმა; ამიტომ აქ მყარდება იგივე კანონი, რაც მრეწველობაში, ადებ-მცემობაში, ვაჭრობაში. ლიტერატურული შრომა იყიდება ისე, როგორც სხვა ყოველგვარი შრომა: უბრალო მუშის, ინჟინერის თუ მოხელის. მაშასადამე, ლიტერატურაშიც იქათკენ უნდა გაღიზაროს, იმ წოდებას უნდა ემსახუროს, რომლიდანაც უფრო მეტ სასყიდელს მიიღებს. ამას ჰქვია ლიტერატურის გათახსირება. მეორე მხრით, ეს მოვლენა შემთხვევით არ წარმომდგარა: ის მჭიდროდ არის შეკავშირებული ჩვენი დროის მატერიალური წარმოების პირობებთან. ჩვენ დროში ყველაფრის ყიდვა შეიძლება ფულით; ადამიანის პატიოსნებაც კი ფულით ფასდება; მაშ, აზრის გაყიდვაც შესაძლებელია; მით უფრო, რომ მყიდველისათვის ეს ძლიერ სასარგებლოც გამოადგება, ვინემ რაიმე ნივთი.

მაგრამ საბედნიეროთ, ლიტერატურას აქვს სხვა სფეროსთან შედარებით, ერთი მეტათ კარგი და ამასთანავე კეთილშობილური მხარე. ეს თავის თავის მხილებაა, ყოველგვარი გამათახსირებელი მიმართულების შეუბრალებლათ კიცხვა და მისი სასტიკი დევნა. შევწინათ, რომ ეს თვით ჭეშმარიტების თვისებას შეადგენს, და რადგან მწერლობა ინსტიტუტურათ ჭეშმარიტების გამოძიებას ელტვის, ამიტომაც სულ ვერ აღმოიფხვრება მასში ეს კეთილშობილური თვისება, რომელიც მუდამ აცხოველებს, ახალისებს და ახალ სულს ბერავს მწერლობას. მეორე მხრით ევროპის მწერლობას, როგორც ვიცით, ჰქონდა სახელოვანი წარსული უანგარო მოღვაწეობისა და ნამდვილი მცენიერებისათვის მომზადებული ნიადაგი. ამ მიზეზებმა სრულიად დაიხსნეს ევროპის ლიტერატურა იმ გათახსირებიდან, რომელიც ჩვენ ზევით მოვიხსენიეთ.

ამ მხრით უფრო სამწუხაროა და ცუდ პირობებში იმყოფებიან ის ერნი, რომელნიც შედარებით გვიან გამოვიდნენ მსოფლიო ასპარეზზე: იმათთვის უფრო ადვილი იყო ახალი ცხოვრების გარეგანი მხრის და მისი ნაკულუღევანებათა შეთვისება, ვინემ მისი შინაგან ღირსებათა. ერთი ამ ერთგვანი ჩვენც ვართ. ჩვენ უკვე ზევით წარმოვთქვით ის აზრი, რომ საზოგადოთ ჩვენ ვერ ვისარგებლეთ განვითარებულ ერთა ისტორიული გამოცდილებით, როცა პირველათ შეინძრა ჩვენი პატრიარქარულ-ბატონ-ყმური ცხოვრება ახალ ცხოვრებასთან დაჯახებით. ეს ითქმის, რასაკვირველია, ყველაზე უფრო ლიტერატურაზე. მაგრამ ერთმა გარემოებამ იხსნა მაშინდელი ჩვენი მწერლობა (ორმოც-და-ათიანი და სამოციანი წლები გვაქვს ჩვენ აქ უმეტესათ სახეში); ჩვენ ვამბობთ იმ გარემოებაზე, რომ მაშინ ჩვენში საზოგადოებას სრულებით შეგნებული არ ჰქონდა, თუ არსებობისათვის ბრძოლაში რა გამოსადეგი იარაღი იყო ბეჭდვითი სიტყვა ანუ მწერლობა. ამ მხრით, ჩვენი აწინდელი მწერლობის პიანერების ღვაწლი სწორეთ კეთილშობილურათ ჩაითვლება. მაგრამ აგერ გაეიდა რამდენიმე ხანი, ჩვენ მწერლობას ჯერ კიდევ ვერ მოესწრო, რომ რამდენიმეთ მაინც შეესრულებია თავის მაღალი და კეთილშობილური დანიშნულება, და მასში თავი იჩინა პირდაპირ ქვენა პიროვნულ ინტერესებისთვის სამსახურმა. ჩვენი მწერლობა რომ რამდენიმეთ განვითარებული და მომზადებული შეგნებდროდა ამ სენს, როგორც, მაგ., ევროპაში, მაშინ ამაში საშიშარი არაფერი იქნებოდა, მაშინ ამნაირი წერილმანი გარემოებანი ვერ შეხუთადენ მას.

დღეს კი მწერლობა ჩვენში (ადგილობრივი რუსული მწერლობაც გვაქვს ჩვენ აქ სახეში) ყოველ გვარ ღონისძიებას ხმარობს, რომ-რაიმე ნაირათ გვერდი აუაროს ყოველსავე საზოგადო საქმეს და მარტო კერძო პირების ინტერესებს ემსახუროს; დღეს ჩვენში მწერლობას პატივსა ცემენ იმდენათ, რამდენათაც ის კუჭის მოთხოვნილებას აკმაყოფილებს. ერთი მხრით, ამნაირი ნიღაბ ჩამოფარეველი მწერლები სწორეთ რომ საბრალონი არიან, რადგანაც იმათი შრომა ამ ასპარეზზე დიდ სასყიდელს ვერ მოიპოვებს. მაგრამ, მეორე მხრით, იმავე დროს, არ შეგვიძლია არ დავემოთ ამნაირი მიმართულება ჩვენი მწერლობისა, რადგანაც ამის გამო ეს უსანასკნელი, რომელიც ჯერ კიდევ მკვიდრ მეცნიერულ ნიადაგზე არ დამყარებულა და საქმარისი ნდობაც არ მოუპოვებია ხალხში, ბევრს დაკარგავს და მისი დასაკლისი კი ყველაზე უწინ ჩვენი საზოგადოების დასაჯლის შეადგენს.

ეს საზოგადო შენიშვნა. რაც შეეხება კერძო მოვლენათა, არ შეგვიძლია აქ პირველი ალავე არ

დავუთმოთ ბ. გრ. ყიფშიძის წერილს, რომელიც ბ. კ. ქიქინაძემ „კუჭის რწმენის“ სახელით მონათლა. ჩვენი მხრით კი ვოლტერის დაუეწყარ სიტყვებს განვიმეორებთ მასზე: „en voilà justement comme on écrit l'histoire“!

ამ ჟამათ ჩვენ წინ დგეს კიდევ ერთი რუსული გამოცემა, რომელიც არ ვიცით სწორეთ, რომელ მწერლობას ეკუთნოთ: რუსულს, სომხურს, ოსურს თუ ქართულს; ეს რალაც „ინტერნაციონალური“ გამოცემა უნდა იყოს. ხუმრობა არ გეკონოს, მკითხველო! ჩვენ ვამბობთ „Кавказская Жизнь“-ზე ანუ „Художественно-Литературный Сборник“-ზე, რომლის გამოცემა დრო-გამოშვებით ბ. შ. ე. დავიდოს განუზრახავს. მკითხველი მიხვდება, რომ ამ გვარ გამოცემის შესახებ ლაპარაკი ერთობ საქნელოა. ყოველ შემთხვევაში ჩვენ შეგვიძლია ორი კითხვა დავაყენოთ: 1) რაში მდგომარეობს მიზანი ამ გამოცემისა და 2) რამდენათ ის ამართლებს შინაარსის მხრით თავის სახელწოდებას. პირდაპირ პასუხს პირველ კითხვაზე თქვენ ტყუილათ მონახვეთ ამ კრებულის პირველ წიგნში. მართლა, რით ხელმძღვანელობდა ბ. შ. დავიდოვი, როცა ამ კრებულის გამოცემა განიზრახა? ყოველ შემთხვევაში ამ კითხვის პასუხი მაინც თვით „Кавказская Жизнь“-ში უნდა ვეძიოთ, მის გაჯგან და შინაგან ხასიათში. ჩვენის აზრით, ამ კრებულის მიზანი უფრო მის გაჯგან ხასიათში გამოიხატება, ვინემ შინაგანში; სწორეთ აქ უნდა ვეძიოთ მისი მოვლინების მიზანი. ეს არის იმ მიმართულების ნაყოფი, რომელიც ამ უკანასკნელ დროს ჩვენში მკვიდრდება, როგორც ცხოვრებაში, ისე თვით მწერლობაშიაც.

რაც შეეხება „Кавк. Жизнь“-ის შინაგან მხარეს, მის შინაარსს, თუ რამდენათ შეესაბამება ეს უკანასკნელი თავის სათაურს, რამდენათ და როგორ გვიხატავს ის კავკასიის ცხოვრებას,—ყველა ამაზე უმჯობესი იქნება, რომ სულ არ ჩამოვადლოთ ლაპარაკი. და მართლაც, რომელ მხარეს კავკასიის ცხოვრებისას, რომელ კითხვას საზოგადოებრივი ხასიათისას ეხება და გვიხსნის თავისი წერილებით „Кавк. жизнь“-ი? ან იქნება, არა ვითარი მხარე ჩვენი ცხოვრებისა, არავითარი კითხვა ჩვენში არ საკვირებს სინათლის მოფენას? რასაკვირველია, რომ ეს ასე არ არის. სამწუხაროთ, ბ. შ. დავიდოვის კრებული ამ მხრივ ყოველათ უფერულ რასმეს წარმოადგენს, თუ ამასთანავე ათასჯერ დაუჭილს არა. სამწუხარო ის არის აქ უმეტესათ, რომ წინეთ თუ ამნაირ საქმეს მოჰკიდებდა ვინემ ხელს, ის ამას უფრო მძიმეთ, უფრო სერიოზულათ მოეპყრობოდა. იმისთვის საჭირო იყო შესაფერი მეცნიერული მომზადება თანამედროვე მეცნიერების მი-

ხედვით. დღეს კი ამ გეარ შრომისათვის უმეტესობა ყოველგეარ მომზადებს პირდაპირ უა-სა ჰყოფს. ამას წინეთ, სრულიად შემთხვევით, ჩვენ წვატყდით ერთ საუცხოვო „პროექტს“, რომელსაც შემდეგი სათაური ჰქონდა: „Общество для изучения древностей грузинских“. ყოველივე კეთილი აზრი და დანიშნულება, შესაძლებელია, ჩემო მკითხველო, რომ დამახინჯდეს და სისაძაგლეს დაემგებნოს. სწორეთ ესევე უნდა ეთქვათ ამ „პროექტზედაც“. ჩვენ კარგათ გვემის, თუ რა მნიშვნელობა აქვს ჩვენი ისტორიული წარსულის ნაშთა შესწავლას, მაგრამ ამისთვის ყველაზე უწინარეს აუცილებლათ საჭირონი არიან მეცნიერებით და გამოცდილებით შეიარაღებულნი პირნი. დასახელებული „პროექტი“ კი აშკარათ მოწმობს, რომ მისი შემდგენელნი ყოველსავე ამას მოკლებული არიან. იმათი აზრით, მაგ., საკმარისია ისტორიული საზოგადოების შესადგენათ დადგენილი საწევრო გადასახადის შეტანა: ეს სასტიკი შეცდომაა, თუ კიდევ მეტი არა. არა, ამ ფრიად სასარგებლო საქმისათვის საჭირონი არიან მეცნიერულათ მომზადებული და განვითარებული პირნი, რომელნიც ჩვენში, თუმცა იშვიათათ, მაგრამ რამდენიმე მაინც კი უნდა მოიძებნებოდეს.

ფ. მასკაი.



სახსუმარო გასართობი

(სახსუმარო სიზმრები).

Казакъ на сѣверъ держитъ путь,
Казакъ не хочетъ отдохнуть...

Пушкинъ.

I

ს რ ვიცი, შენზე როგორ მოქმედობს, ჩემო მკითხველო, ეს ზაფხულის სიცხე და მე კი უნდა გამოგიტყდე, სულ თავგზა ამერია. აბა, ხომ კარგათ გახსოვს, ჯერ მაისი რა იყო, მაისი, და ახლა ამ თიბათევე სულ ბოლო მომიღო! ყოველი მხრიდან სიცხე, შიგნიდან და გარედან. მერე არც წამალი აქვს, ეს არის უბედურება! ამას არც „ნარუჟნოე“ შევლის და არც „ვენტურენოე!“ ჩემ გარშემო მტვერია, ტალახი, ქუჭყი... აი, ახლა კი სწორეთ მჯერა, რომ ადამიანი — ევას გარდა! — მართლათ ტალახისაგანა ყოფილა შექმნილი; რომ მეც ტალახისაგან ვარ, რომ, აი, ესენიც, ვინც გარს მახვევიან... სულ, სულ ტალახისაგან არიან. ერთი სიტყვით, საი-

თაც შენ ბედნიერ თვალს მოაველებ, ტალახია და ტალახი! მოდი ახლა და ამ „ატმოსფერაში“ სული ნუ ამოგვია! მაგრამ, ჰეი, მე სული ღრმათ მიდგია, მიდგია კი არა, უნდა მედვას, ასე მაქვს ნაბძანები! ტალახი, დიად, ტალახი... მეც ვზივარ ამ ყელთამდე ტალახში და ვფიქრობ, ვოცნებობ... მაგრამ რომ აღარ მახსოვს, რაზე ვფიქრობ! ეს სულ სიცხის ბრალია, გეფიცები ჩემთა შეილთა ხილულთა და არა ხილულთა! ჰო, მოვიგონე: ვფიქრობ... იდეალზე, სწორეთ იდეალზე ვფიქრობ! მაგრამ აქ რალაც „ნედლოზუმენიე“ უნდა იყოს: იდეალი რომაველისააო, მე კი ეს ოხერი ფიქრი სულ უკან-უკან წარსულში მიმატრევს. კაი ხანი კია, რაც იდეალზე აღარ მიფიქრია, ყმაწვილობას აქეთ! „დრონი წარვიდენ, თანა წარიდეს“... ახლა სულ სხვა დროა: გამახსენდება თუ არა იდეალი, მაშინათვე ჩამთვლემს, ჩამთვლემს და ვიწყებ ზმანებას. სიზმარი თუ? სწორეთ საოცარი! მოგხუტავ თუ არა თვალსა და მაშინვე სიზმრები მომესვნიან! ვინ მე და ვინ სიზმარი! ყველა იმას ძიხნდა, ფხიზელი კაცია, თითონ ხომ არა ძიხნავს და არა, ყარყუმათ არის გადაქცეულიო, მაგრამ სხვებსაც ქოტივით დაქვივის და ძიხს უფრთხობსო. მაგრამ ახლა, ახლა დავიწყებ თუ არა ფიქრსა და ჩამთვლემს, ჩამთვლემს თუ არა და მაშინვე „ის“ დამესიზმრება, „ის“. სად იყო წინათ სიზმარი? ისე გავათენებდი, გვერდს არ ვიცილიდი, თორემ თუ არა გჯერათ, ჰკითხეთ... მაგრამ მაშინ ხომ არც „ის“ იყო! ახლა სულ სხვაა, ახლა სულ „ის“ მესიზმრება! ღმერთმა კარგი მოგცეს, ბარემ კარგ სიზმარს მე ეხედავდე, მაგრამ სიზმარი მაინც სიზმარია, ნამდვილს მხოლოთ ისე წააგავს,

ვითა მწუხრი განთიადსა.

ეს მართალია, მაგრამ ახლა შენა გკითხავ: თუ არ სიზმრით, მაშ რით დასტკებს უიმედო სიყვარული?

ოოო... სიყვარული, „მისი“ სიყვარული! რა რიგ მიყვარდა! „ორმოც ათას ძმას*“), „ორმოც ათას საყვარელს“ (***) არ შეუძლია ისეთი სიყვარული, როგორც მე „ის“ მიყვარდა! მაგრამ შეარტყნინა ღმერთმა სოფლის უკუღმართობა!

ამაო ამა სოფელმა,
მუხთალმა დაუნდობელმა,
ესრეთა მქმნა მომტირალი
ურწმუნო დასაგმობელმა.

*) ის. ჭამლეტ. თარგ. თ. ი. მასხაღისა.

**) ის. ნ. ნიკოლაძის ნაწერები.

თვალი რომ მიძღვნა, მომართვა,
შეშურა, ისევ წამართვა,
მისგან დამსუა ცარიელი
დასანთქაე-დასამზობელმა.

II

მაგრამ... მაგრამ სიცხით კი მაინც ძალიან ცხელა! ამ სიცხემ განა მართო მე შემაწუხა? ყველას ენა მოგვეკენეტინა, ყველანი დაგვამუნჯა. ჩემს თავსა ეჩიოდ და ჩემ მეგობრებს უარესი დემართათ. სხედან ჩუმად, კრინტი ვერ დაუძრავთ, ენა არ ემო-რჩილებათ და ისე მომჩერებინ, თითქო ეს სიცხე მართო ჩემთვის იყოს მოვლენილი! არ ვიცი, რისა გერცხვენია და ერთმანეთს კი ხმას ველარა ვცემთ, ერთმანეთს თვალს ვარიდებთ. ესხედვართ დაბნელებულ ოთახში, წიაღსა შინა წყვედიადისასა და ველ-მარბთ.

ჩვენთვის მზე არ ანათებს

შაე-ბნელათ გვეჩვენება.

მართლა-და ჩვენთვის არც ძილია და არც მოსვენება. რალაცა გეტანჯავს, არ გეასვენებს, რალაც გვინდა, ხოლო რა არის ეს „რალაც“, ვერც მე და ვერც ჩვენ ვერ მიგვიგნია.

აი, სწორეთ ამ მდგომარეობაში ვ-ყავით გუშინაც. ტვინი აღარ მუშაობდა,—ან კი რას გეიშველიდა!—სვინდის ტკბილათ ეძინა,—ვერაფერი ფრთხილი ყარაულია, თუ თქვენც იტყვიეთ!—ჩვენ უძრავათ ვისხედით სავარძელში დალაღულ-დაქანცულები და ეთვლემდით. სადილის ჟამმა მოაწია. ჩვენი მსახური ლანდივით გაჩნდა ოთახში, მაგრამ არც საქმლის სუნი და არც თეფშის ხმაურობა არ ისმოდა. იგი ჩუმად მოგვიახლოვდა და თითო უშველემბელი წიგნი გადაგვიშალა მუხლზე.

—სტიროდეთ, შიმშილობა მოდის!—გვითხრა მან და გაჰქრა.

დაეხედეთ წიგნის სათაურს და გულდაწყვეტილებმა ერთ ხმად შევბღვედეთ:

„დაკარგული სამოთხე“, „დაკარგული სამოთხე!“

უკვდავო თხზულებზე უკვდავი მილტონისა, რათ მოგვიშხამე სიცოცხლე?!

ესხედვართ და ეხედავთ, რომ სამოთხეში უკვე შემოსულა „ოქროს ვალიუტა“—ყველანი ოქროში სხედან, ოქროთი კოჭობენ. სამოთხეს გარს არტყა ბროლის კედელი და ყველაფერი ჩანს. შუა სამოთხეში დგას შეწიერი, თვალ-მარგალიტით მოქედლი ტახტი; შიგა ზის სპარსეთის და სრულიად აზიის მზრძანებელი ალა-მანმად-ხანი. პატივი და დიდება, სახლი და საქმელი, ორივე საკმათ მოუპოვებია მას. ყვე-

ლანი მოწიწებით და მოკრძალებით ექცევიან.—ნეტარება შენ!—უგალობენ სამოთხის მცხოვრებნი და ისიც ნეტარებს. მე კი, ჩვენ კი ამას მხოლოდ ბროლის კედელში ვხედავთ. ერთი ჩემი მეგობარი მი-სდგომია და ბროლის კედელს ენითა ლოკავს. შემაჩნია თუ არა, მოჰყვა ფიცს: მე ხომ იქ საქმე არა მაქვს-რა, მხოლოდ ისე მინდოდა გამეგო, რა გემოსია კედელიო. ჩვენა ვცდილობთ, როგორმე გადავიდეთ ამ ბროლის კედელზე, მაგრამ ატოცებას ვერ ვახერხებთ, ფეხი გვისხლტება და ძირსა ვცვივით. მე ცრემლი მდის, ქირის ოფლს მასხამს, მეტი აღარ შემძლია...

წყვეტილმც იყოს დღე იგი,

რა ჟამს გიხილე მე შენა!.

შევივლე უცრათ და გამოვლენიდა.

სიზმარი! ოხ, ჩემო მკითხველო, ღმერთმა ნუ გაჩვენოს სიზმარი! იცი, რა არის სიზმარი? სიზმარი ის არის, რომ რაც გვიანდება, ის გეზმანება. დასწყველოს ღმერთმა სიზმარი!.

III

წუხელის მივდე თუ არა ბალიშზე თავი და ვხედავ: მოდის და მოდის ჯარი... ალა-მანმად-ხანთან საბრძოლველათ... „დაკარგული სამოთხის“ დასაბრუნებლათ. მოდის ლამაზათ რაზმებთ დაწყობილი, ისე ძველებურათა, ჩვენებურათა,

მძიმე ყალბით,

ლამაზ ფალბით

მორთული და მშვენიერი...

პირველ რაზმად თავის წინამძღოლითურთ მოდიან ქულაჯებიანი, ყურთმაჯებიანი ცხენოსანი ჯარი არა ჩანს, სულ „პებოტა“. გამგებლობა, თავგანწირულება კაფიით გამოიხატება მათ თვალებში. ყველას შუბლზე შავი დამლასავით ქართული ასო „მ“ აწიო. მოდიან და მოიმღერებინ: „სჯობს სიცოცხლესა ნაძრახსა, სიკვდილი სახელოვანია“. წინ მოუძღვის თითონ მეფე და,—ოხ, საკვირველებავ!—ეს მეფე მე ვარ, მე! „მეფე ვარ, მეფე!“ *) არ ვიცი კი, რომელი: „მეფე ლირი“, თუ „მეფე დიმიტრი თავდადებულის“. მაგრამ ეს სულ ერთია. ხალხი დაწმუნებულა, ხალხსა სჯერა, რომ მე მისთვის თავდადებულები ვარ. რა მე? სხვებიც, სხვებიც ყველანი თავდადებულები არიან: ჩემი ძმები, სიძეები, ცოლის დები, ცოლები, ასისთავეები, ათისთავეები, მერიქიფეხები... ისინიც, ისინიც ყველანი თავდადებულები არიან.

*) ის. მეფე ლირი. თარგ. ილ. ჭავჭავაძის და ივ. მაჩაბლის.

ვაშა, ვაშა მძლეველ მეფეს!

იძახის ხალხი.

აი, იერიშიც ჰოციტანეთ, ეიბრძვით ლომები-
ვით...

ცხენთა თქრიალი, შუბთა ტრიალი, ყურთმაჯთ
ბრიალი, მაყართ გრიალი.

აღა-მანხად-ხანი გარბის! გამარჯვება ჩენა გვარჩე-
ბა: „დაკარგული სამოთხე“ დაეიბრუნეთ! გული სიამით
მიძგერს, მიკანკალებს...

ძიინ!... დაიწრიალა უეცრათ საათის ზარმა და
გამომვლევია.

მივიხედ-მოვიხედვ: არსად ჯარი, არსად მეფე!
მხოლოთ ვილასიც ხმა ყურში ჩამძანის:

თუ არ სიზმრით, მაშ რით დასტუმბეს
უიმედო სიყვარული?

IV

ოხ, სიზმარი, სიზმარი! რას არა ნახავს კაცი!
ვითომ მე ნანსენი ვარ, ვითომ „სევერნი პოლიუსს-
ზე“ მივდივარ, ვითომ ამ გაყინულ პოლიუსზე ჩენი
ძველებური მდივანბეგი ცხორებებს და ხალხს ასამართ-
ლებს. ჩემი ბებერი იმპრესარიო წინ მიმიძღვის და
მამხნევებს. ნუ გეშინია, თვალი ჩემკენ გეპიროსო.
ეს ექსპედიცია თავიდან ბოლომდე სულ ჩემი იმ-
პრესარიოს საქმეა. მაგრამ რა უცნაური სიზმარია!
მივდივართ „სევერნი პოლიუსსზე“ და თან მიგვაქვს...
ორი ტომარა, აბა გამოიცანით, რა? „კავკაზი“, „ნო-
ვოე ობოზრენიე“, „ტვილისის ლისტოკი“, და
აწ საღათას ძილით მძინარე „ივერია“. თეთრი
აბრეშუმის ლენტე ჯვარედინათ აქვს ტომრებს
გადავლებული და ზედ მწვანე ასოებით დაბეჭდილია:

Донось на германа-злодѣя.

მიეკრით და მივდივართ. გადავიარეთ მთები,
მდინარეები, ზღვები. აი, „სევერნი პოლიუსიც“, აი,
მდივანბეგის სახლიც.

შევიდა ჩემი ჩიჩერონე და ერთ წუთს შემდეგ
მეც შემიხმო. შევედი და შევათრიე ტომრები. მოვი-
ხადე ქული და თავყანი ვეცი.

— შენ ვინა ხარო?

— „ვამ მილოსტივი სლუგა“-მეთქი. *)

— შენი გვარიო?

— ნანსენი გახლავართ-მეთქი.

— როგორ ნანსენიო?

— ისე, რომ ჩემს მეტი ამ საქმისთვის ჯერ აქ
არაინა გხლებია და ეს გზა პირველათ მე გავაკვლიე-
მეთქი.

— მერე რა გინდა, თქვიო.

მეც დავიწყე ლექსათ:

ამა ამა სოფელმა,
მუხთაღმა დაუნდობელმა,
თვალი რომ მიძღვნა, მომართვა,
შეშურდა ისე წამართვა...

— რაო, სოფელმა წამართვაო? — მკითხა მდივან-
ბეგმა და წარბი შეიკრა.

— დიად-მეთქი, მოვახსენე.

— მერე როგორ შეუძლია სოფელს, რომ წა-
გართვასო, რა არის სოფელიო, ნება არა აქვს სო-
ფელს, რომ იყოსო, არ უნდა იყოს სოფელი, როზ-
გი სოფელსაო!..

დავემხე მაშინვე, მოვეხევე მუხლზე და რაც
„სოფელმა“ შემარჩინა, წალის ყელში ჩუმათ ჩაუდე.

— ენაცვალე შენ სამართალს, ოღონდ სო-
ფელი ნუ იქნება, ბძანე, რომ არ იყოს სოფელი,
ე „თვალი რომ მომცა და წამართვა“, ოღონდ
ის კი დამიბრუნე, და ხომ მაინც შენი ყურ-მოჭრი-
ლი კმა ვარ, როგორც გინდა მიმსახურე-მეთქი.

— მერე და თუ თითონ მოგცა, როგორღა წა-
გართვაო? — მკითხა.

— შეშურდა, ისე წამართვა, — მეთქი, მოვახსენე.

— რა ნება ჰქონდაო?

— არაფერი ნება არა ჰქონდა, მაგრამ ნებას
ვიღა კითხულობს, სოფელი ძაღაობს და განა არ
მოგეხსენება, ძალა აღმართსა ხნავს-მეთქი.

— მე ვასწავლი როგორც უნდა მოხენაო!..

აქ ჩემმა ჩიჩერონემ თვალი მიყრა.

— აგრე, შენი სამართლის ქირიმე — მეთქი, სო-
ფელი ძაღაობს, მე ხომ მიწასთან გამასწორა, მაგ-
რამ შენც ბევრი გაკინა-მეთქი. თორემ აი, ქალაქ-
ლიც გახლავთ-მეთქი.

ამ დროს ჩემი იმპრესარიო ეცა ტომრებს, უნ-
დალა „ვეშნესტენოე დოკაზატელსტეო“ წარმოედ-
გინა, მაგრამ ორივე ტომარას სირკნეილის ცეცხლი
მოჰკიდებოდა და იწოდენ.

დავჩრით „უდაკაზატელსტეოთ“.

მდივანბეგი სუ კბილებს აკრაჭუნებდა და პირი-
დან ცეცხლს აფრქვედა, თვალით როზს ემებდა.

— კარგი წადიო, მე ვიცი და იმათაო! შენ მარ-
თალი ყოფილხარ, ის „თვალი“ შენიაო.

გამოვბრუნდით და როგორც დაეძახე „მოედ-
ვართ, მოგეხსარია“-მეთქი და უეცრათ თვალები კი
დავაჭყიტე, თურმე ესეც სიზმარი არ გამოდგა! მაგ-
რამ

თუ არ სიზმრით მაშ რით დასტუმბეს
უიმედო სიყვარული?

ახიშანი.

ჟუდაქტორ-გამამტეპელი ან. თ.-წერეთლისა.

*) ისმინე ვ. მ.—ლის „რეჩი“.

განცხადება

თფილისის სათავადაზნაურო სკოლისა.

1) მდგომარე წლის ენკენისთვისათვის თფილისის სათავადაზნაურო სასწავლებელში არის სულ ორმოცდა ხუთი ვაკანსია (45): პირველ განყოფილებაში—40 (7 და 8 წლის ყმაწვილებისათვის) და მეორე განყოფილებაში—5 (8 და 9 წლ. ყმაწვე.); დანარჩენ განყოფილებებში და პროგიმნაზიულ კლასებში არც ერთი თავისუფალი ადგილი არ არის.

2) 45 ვაკანსიიდან 42 არის დანიშნული გარედან მოსიარულებისათვის და სამი არის საზოგადოების ნახევარ ხარჯზე.

3) ვინც საზოგადოების ნახევარ ხარჯზე იქნება მიღებული უნდა შემოიტანოს წელიწადში ათი თუმანი-ნახევარი შემოსვლისთანავე და ნახევარი იანვარში.

გარედან მოსიარულეს გარდახდება წელიწადში სწავლის ფასი თორმეტი მანეთი: ექვსი ენკენისთვის და ექვსი იანვარში.

4) ვისაც სურს მიღებულ იქმნას საზოგადოების ნახევარ ხარჯზე, იმან უნდა წარმოადგინოს თხოვნასთან ერთად შემდეგი დოკუმენტები: ა) წლოვანების (ნათლობის) მოწმობა, ბ) სიღარიბის მოწმობა მახარის თავადაზნაურობის წინამძღოლისაგან, გ) მოწმობა თფილისის სათავადაზნაურ ბანკიდან, რომ იგი ირიცხება ხსენებული ბანკის დამფუძნებელთა შორის, დ) ყვავილის აცრის მოწმობა.

5) ვისაც გარედან მოსიარულეთ სურს შემოსვლა, მისთვის საჭიროა იგივე დოკუმენტები, გარდა დამფუძნებლობისა.

6) უკეთეს მთხოვნელთა რიცხვი აღემატება ვაკანსიების რიცხვს, იმ შემთხვევაში მსურველნი მიშვებულ იქმნებიან წილის ყრით. წილის ყრაში მონაწილეობას მიიღებენ მხოლოდ ისინი რომელნიც, წარმოადგენენ ყველა საჭირო დოკუმენტებს და ამასთანავე ეგზამენსაც დაიჭერენ წლოვანების შესაფერ კლასისათვის.

7) ვინაიდან პანსიონში შემომსვლელთათვის მცირეა ვაკანსიების რიცხვი და მსურველი კი ბევრია, სკოლის გამგე კომიტეტი იძულებული იქნება დაითხოვოს ის პანსიონერები, რომლებზედაც წინა წლის ფულად დაწინაი, იმისთვის რომ ადგილი დაუცალოს ახლათ შემომსვლელებს. ამიტომ სკოლის მთავრობა თხოვს მშობლებს, რომელთაც სწულიად ანა აქეთ შემოტანილი სწავლა-აღზრდის ფასი, რომ უთუთო შემოიტანონ პანსიონის ენკენისთვისათვის, რაც აწის მათზე დაწინაი, თორემ მათი შვილები უსათუთო იქნებიან დათხოვნილი პანსიონიდან.

8) შესაძლებელია სექტენბერში, მოწაფეების ხელ მეორე გამოცდას შემდეგ, კიდევ გაიხსნას რამდენიმე ვაკანსია იმათთვის, ვინც სრულ საკუთარ ხარჯზე ისურვებს პანსიონში შემოსვლას ან ნახევარ ხარჯზე. ვინც საკუთარ ხარჯზე შემოვა პანსიონში, იმან უნდა შემოიტანოს წელიწადში ოცი თუმანი—ათი შემოსვლისთანავე და ათი იანვარში.

9) თხოვნა უნდა შემოვიდეს სექტენბრის პირველ რიცხვამდის. ქალაქ გარეშე მცხოვრებთ თხოვნა უნდა გამოგზავნონ შემდეგი ადრესით: Въ Тифлисъ. Завѣдывающему Тифлисской Дворянской Школой, на Лабораторной ул. въ д. Гургинбегова.

10) სექტენბრის, 2, 3 და 4 რიცხვებში მოხდება მისაღები ეგზამენები და ხელ მეორე გამოცდა ზოგიერთ მოწაფეებისა. ხუთ სექტენბერს დაიწყება სწავლა.

დათხოვნილ იქმნებიან აგრეთვე ის პანსიონერებიც, რომელნიც სკოლაში მოსვლისთანავე არ წარმოადგენენ მომავალ 18⁹⁶/₉₇ სასწავლო წლის ფულის ნახევარს.

(3—1)